

Diel kuo vèsè moni stumda?

Ka bovau aš jauns vaikielis –
Kuožna rīta atsikieļs
Liuobo eitē paklajuotē
Ē panieliu pamedžiuotē

Daba aš – jau sens, soskrabēs,
Katram štink bikuokēs babas.
Ale lēka nežanuotas
Tiktā krēvas ē nujuotas!

Tumba tumba, tumba tumba –
Diel kuo vèsè moni stumda?

Štīvs bovau kažkumet vaikis –
Liuobo peštēis kap paklaikēs.
Vèsè gerbē ē bējuojē,
Kor tik diejau sava kuojē.

Daba, pasēriemēs lazdo,
Vēns pri šēlta pečīaus bezdo,
Ē bebējē daba monēs
Vēštas, katēnā ē šonis...

Tumba tumba, tumba tumba –
Diel kuo vèsè moni stumda?